

## **EH Bildu talde politikoa**

### **Grupo político EH Bildu**

Ijentea, 1 - Tel. 943481027 - [www.donostia.ehbildu.eus](http://www.donostia.ehbildu.eus) -  
20003 Donostia

## **MARTUTENeko ELKARBIZITZA MAHAIA DELA ETA, KONTROL MOZIOA**

Olaia Duarte Lopezek, EH BILDU udal taldeko zinegotziak, Udalbatzaren Organo Araudiaren 98. artikulua oinarri, mozio hau aurkezten du Udalbatzan azter dadin. Mozioa 2023ko irailaren 18an Pertsonen Zerbitzuen Batzordean aztertutako interpelazioaren ondorioa da.

### **JUSTIFIKAZIOA**

Abuztuan zehar prentsa horiaren eskutik, Martuteneko auzoa ezaguna egin da *Arratoiak, zaborra eta okupak* eta antzeko titularren pean. Auzo elkarteko kideak zein hainbat sentsibilitatetako bizilagunak gerturatu dira gure udal taldera, sentitzen zutena trasladatzerara eta ematen ari ziren hainbat elkarbizitza arazo deskribatzerara.

Arazo horien artean, azkeneko 20 urteetan administrazio publikoak abandonatua izan duen Agustinoen eraikinaren erabilera dago eta eraikin horretan oso egoera zaurgarrian bizi diren etxerik gabeko gazteen egoera. Gogora dezagun ezinegon honi lotuta dagoela urteetan auzoak jasan duen utzikeria ere, beharrezkoak diren ekipamendu publikoak eraikitzeari dagokionez edo auzoko espazio publikoaren zainketari dagokionez.

Jakinda segurtasun edo segurtasunik ezaren sentsazioak oso pertsonalak eta subjektiboak direla, prentsaren jokaerek zein udal agintari batzuen adierazpenek, alkatearenek tartean, ez dute lagundu auzotarrek bizi zuten ezinegorari irtenbidea bilatzen edota auzotarren beldurrak objektibizatzen. Izan ere, Udal Gobernuaren kudeaketa soilik poliziala izan da eta hainbat mezu helarazi dira Agustinoetan ahal duten bezala bizi diren pertsonak kriminalizatzeko. Horrekin batera, datuak exajeratu egin dira eta Gizarte Ekintza Saileko teknikariek zein hirugarren sektoreko profesionalak duten informazioarekin bat ez datozen kontakizunak ere egin dira. Esate baterako:

- 70 bat pertsona daudela Agustinoetan trasladatu da, Gizarte Ekintzaren datuek zein hirugarren sektoreko eragileen datuek 15-17 pertsona daudela esaten dutenean.
- Fiskaltzarekin lanketa egiten ari dela esan da eta aurrekariak dituzten pertsonak direla, Gizarte Ekintzaren datuek zein Udaltzaingoarenek aurrekaririk gabeko pertsonak direla eta intserzio prozesu batean daudela egiaztatzen dutenean (batzuk erroldatuta daude, beste batzuek SMUSEko teknikariek lanketa bat hasi dute, beste batzuk Caritasekin lanean ari dira, Hestian gizarteratze prozesu bat hasi dute, ikasketak egiten ari dira...).
- Udal Gobernuak prentsan eskaini duen argazki bakarrak Agustinoen irudi tamalgarria ematen du. Gure udal taldeak eraikina ikusi du eta etxerik gabeko pertsonak dauden espazioak zainduak daude, txukunduak, bertan bizi direnen inplikazioari esker. Ezin da ulertu zein intentziorekin argitaratzen diren irudi

## **EH Bildu talde politikoa**

### **Grupo político EH Bildu**

Ijentea, 1 - Tel. 943481027 - [www.donostia.ehbildu.eus](http://www.donostia.ehbildu.eus) -  
20003 Donostia

negatiboa eta beldurra sustatzen duten argazkiak, errealak diren beste mezu positibo batzuk erakutsi ordez.

Europa osoan zehar, xenofobia eta arrazakeriaren gorakada bizi den honetan, oso arriskutsua deritzegu Udal Gobernuaren kudeaketari edo kudeaketaren gabeziei. Hain zuzen ere, faltan botatzen dugu auzotarren kezken aurrean datuak argitaratzea, prentsaren bidez sustatutako beldurrei aurre egiteko irizpide profesionalak aplikatzea eta lanketa polizialarekin batera lanketa soziala egitea.

Horretaz hitz egiteko, bilera egin genuen Udal Gobernuko ordezkari batekin irailaren 6an eta bilera horretan zein iraileko batzordean agerian gelditu zen Udal Gobernuak ez zuela auzoan elkarbizitza hobetzeko eta zabaltzen ari ziren zenbait mezu arriskutsuri aurre egiteko neurri zehatzik hartu. Esan bezala, egindako lanketa segurtasun ikuspegitik egindakoa da eta arlo sozialekoa eta sentsibilizazioa bigarren planoan utzi dira. Iraileko batzordean delegatuak adierazi zigun Udal Gobernuak prest dagoela elkarlanean aritzeko eta hainbat ekimen auzoan bultzatzeko.

Hortaz, azaldutako egoera kontuan hartuta, behean sinatzen duen zinegotziak honako MOZIO hau aurkezten du:

### **KONTROL MOZIOA**

1.- Udalbatzak hertsatuki eskatzen dio Udal Gobernuari, uda honetan Martutene auzoan areagotu diren hainbat elkarbizitza arazo edo egoera gainditzeko, mahai bat lideratu dezala auzoko eragileekin, bizilagunekin eta arlo sozialeko aditu zein elkarteekin, arazo edo krisi egoerak era partekatuan lantzeko.

Donostian, 2023ko irailaren 22an

Olaia Duarte López  
**EH Bildu udal taldeko zinegotzia**